

Epistola Patris Jacobi Buteux ad R. P. Vincentium
Caraffam, Præpositum Generalem
Societatis Jesu.

R EVERENDE ADMODUM IN X^{to} PATER
P. Vinc. Caraffa, R. G. S. J. Pax Christi.

Venere litteræ Ptis. V^æ 3°. Calendas octobris
datae in nostras manus. . . . Commodum cum
nos undique mala circumstarent, foris pugnæ quas
truculenti barbari hostes infensissimi Xⁿⁱ nominis
concitarent, intus timores ne copiosa neophytorum
multitudo a nobis deseratur per sylvas pecudis instar,
ut prius, erratura; qui consolatur humiles consolatus
est nos per litteras Ptis V^æ in quibus subsidium
nobis pollicetur, tum operariorum ex Gallia, quos
jam excepimus, tum sacrificiorum ex Patribus socie-
tatis quod speramus, quod si usquam iis indiguimus,
hoc maxime tempore, cum in aperto salutis discri-
mine versamur. Eosdem quippe cruciatus et acerb-
itates (Ni deus avertat) subituri sumus quas Patres
nostrí apud Hurones subiere, ut ex ipsorum litteris
V^æ Ptⁱ constabit. hic enim ad Tria flumina, ubi
Gallorum simul ac sylvestrium curam gerimus, nulla
propugnacula, nisi lignea, nulla moenia, nisi paludes
[for pali or pala] quæ facile concipient ignem, nulla
domus nisi corticea vel straminea in quibus degimus